

www.BibleForChildren.org


मत्ती ८



तीजे दिने गलील प्रदेशो रे काना नगरो रे केसी रा ब्या था और यीशुए
री आम्मा बी तेती थी। यीशु और तिना रे चेले बी तेती
ब्याओ खे बुलाई राखे थे।



जेबे अँगूरा रा रस कम ऊईगा, तेबे यीशुए री आम्मे तिना खे बोलेया,
“तिना गे अँगूरा रा रस नि रया।” पर तिना री आम्मे दासा खे बोलेया,
“जो कुछ ये तुसा खे बोलोगा, सेई करना।”



यीशुए दासा खे बोलेया, “कअड़ेया रे पाणी परी देओ।”
तिने परी-परी करी ते। यीशुए तेस दासो खे बोलेया,
“एबे इजी बीचा ते थोड़ा पाणी निकयाली की पाट्टिया
(भोज) रे प्रदानो गे लयी जाओ और तिने दासे
एड़ा ई कित्तेया।”





जेबे पाट्टिया रे प्रदाने से पाणी चाखेया, जो अँगूरा रा रस बणीगा था,
पर ये नि जाणो था कि केथा ते आया (पर जिने दासे पाणी निकयालेया
था, सेयो जाणो थे) तेबे पाट्टिया रे
प्रदाने लाड़े खे बुलाई की तेसखे
बोलेया, “हर एक मांणू पईले
बढिया अँगूरा रा रस देओआ
और जेबे लोक पी की थकी
जाओए, तेबे आदा देओआ,
पर तैं बढिया अँगूरा
रा रस एबुए तक
राखी राखेया।”




यीशुए गलील प्रदेशो रे काना नगरो रे आपणा ये पईला चिहन् दखाई
की आपणी महिमा प्रगट कित्ती और तिना रे
चेलेया तिना पाँदे विश्वास कित्तेया
कि सच्ची येई ई मसीह ए।



जेबे यीशु पतरसो रे कअरे आए, तो तिने पतरसो
री सासु बुखारो साथे पड़ी री देखी।



तिने तेसा रा आथ छूँयां और तेसा रा बुखार उतरी
गा। तेबे से उठी की तिना री सेवा करने लगी।




साँजके बखते जेबे सूरज डूबी गा तेबे लोक बऊत सारे बमारा खे और
जिना रे दुष्टात्मा थिया, तिना खे लई की यीशुए गे आए। तेबे नगरो रे
बऊत सारे लोक द्वारो
पाँदे कट्टा ऊईगे।



तेबे यीशुए, जो कईया प्रकारा रिया बमारिया ते दुःखी थे, सब ठीक
कित्ते, कई दुष्टात्मा निकयालिया और दुष्टात्मा खे बोलणे नि देओ थे,
कऊँकि सेयो तिना खे जाणो थिया कि सेयो परमेशरो रे पुत्र ए।



तेबे सब यीशुए खे छूणा चाओ थे, कऊँकि तिना ते सामर्थ निकली की
सबी खे चंगा करी देयो थी।



तेबे लोक एक अदरंगो रे रोगिए खे चार माणूआ
ते चकाई की तिना गे ली आए।





पर जेबे सेयो पीड़ा रिया बजअ ते यीशुए गे
नि पऊँछी सके, तेबे तिने से छत जेते निठे
यीशु थे, खोली ता और जेबे सेयो तेस
पटी चुके, तेबे से मांजा जेते पाँदे
अदरंगो रा रोगी पड़ी रा
था, यीशुए रे सामणे
त्वारेया।



यीशुए तिना रा विश्वास देखी की तेस अदरंगो रे रोगिए खे बोलेया,
“ओ पाऊआ, तेरे पाप माफ ऊईगे।”


“आऊँ ताखे बोलूँआ कि उठ!
आपणा मांजा चकी की
आपणे कअरो खे चली जा”



जेबे यीशु किस्तिया रे चढे, तो तिना रे
चेले तिना पीछे आईगे। तेबे देखो,
समुद्रो रे बऊत बड़ा तूफान आया
जेते की किस्ती पाणिए साथे टखी
गी और यीशु सये रे थे।



यीशुए आपणे चेलेया खे बोलेया, “ओ कम विश्वास करने वालेयो! कऊँ डरोए?” तेबे यीशु उठे और तूफान और पाणिए खे बकणे लगे और तेबे सब शान्त ऊईगा। तेबे लोक हैरान ऊई की बोलणे लगे, “ये केड़ा मांणूए? तूफान और पाणी बी एसरी आज्ञा खे मानोए।”



तेसखे चेतावणी मिली और से गलील देशो खे
चली गा। तेबे से नासरत नाओं रे नगरो रे बसी
गा, ताकि भविष्यबक्ते रे जरिए बोलेया रा
वचन पूरा ओ कि, “तेसखे नासरी
बोलेया जाणा।”



रोमियों 3:23

कऊँकि सबी पाप करी राखेया और परमेशरो री महिमा ते दूर ऊईगे रे।

रोमियों 6:23

कऊँकि पापो री मजदूरी तो मौत ए, पर परमेशरो रा बरदान आसा रे प्रभु
यीशु मसीह रे अनन्त जीवन ए।

इब्रानियों 9:27

जेड़ा माणूए खे एक बार मरना और तिजी ते बाद न्याय रा ऊणा नियुक्त ए,



इफिसियों 2:8,9

कऊँकि विश्वासो रेई जरिए कृपा तेई तुसा रा उद्धार ऊई रा और ये तुसा री तरफा ते निए, बल्कि परमेशरो रा दान ए। और ना कामो री बजअ ते, एड़ा नि ओ की कोई कमण्ड करो।

रोमियों 10:9,10

जे तूँ आपणे मुंओ ते यीशुए खे प्रभु जाणी की अंगीकार करेगा और आपणे मनो रे विश्वास करेगा कि परमेशरे से मरे रेया बीचा ते जिऊँदा कित्तेया, तो तेरा पक्का उद्धार ऊणा। कऊँकि विश्वास दिलो ते करेया जाओआ जेतेरा नतीजा धार्मिकता ए और अंगीकार मुंओ ते करेया जाओआ जेतेरा नतीजा उद्धार ए।



यूहन्ना 3:16,17

“कऊँकि परमेशरे दुनिया रे लोका ते एड़ा प्यार कितेया कि तिने आपणा एकलौता पुत्र देईता, ताकि जो कोई तेस पाँदे विश्वास करो, से नाश नि ओ, पर अनन्त जीवन पाओ। परमेशरे आपणा पुत्र दुनिया रे इजी खे नि पेजेया कि से दुनिया पाँदे दण्डो री आज्ञा देओ, पर इजी खे कि दुनिया रे लोक तेसरी बजअ ते उद्धार पाओ।

1 यूहन्ना 5:11-13

और से गवाई ये कि परमेशरे आसा खे अनन्त जीवन देई राखेया और ये जीवन तेसरे पुत्रो रे ए। जेसगे परमेशरो रा पुत्र ए, तेसगे अनन्त जीवन ए और जेसगे परमेशरो रा पुत्र निए, तेसगे अनन्त जीवन पनिए। मैं तुसा खे, जो परमेशरो रे पुत्रो रे नाओं पाँदे विश्वास राखोए, इजी खे लिखी राखेया कि तुसे जाणो कि अनन्त जीवन तुसा राए



मत्ती 8-9; मरकुस 1-2, 4; लूका 4, 8; यूहन्ना 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Baghlayani NT (bfz) This work is licensed under
Creative Commons Attribution-ShareAlike 4.0 License.

<https://www.bible.com/bible/2957/MAT.1.BGHNT>

©2026 Bible for Children, Inc.

www.M1914.org

www.bibleforchildren.org

